

Paerewa Paetae**Aronga** Hauora 1.4**Ingoa** Te tautohu i ngā āhuatanga matua o te whanaungatanga me te hononga ki te oranga**Kaupae** 1 **Whiwhinga** 5 **Aromatawai** Ā-waho**Marau akoranga** Te Marautanga o Aotearoa**Kokonga akoranga** Hauora – Wāhanga Ako**Mana rēhita** Kua rēhitatia **Te rā i mana ai** Hakihea 2023**Te rā e arotakengia ai** Hakihea 2028 **Te rā i puta ai** Hakihea 2023**Te Whāinga**

Ko te whāinga o tēnei paerewa paetae he tautohu i ngā āhuatanga matua o te whanaungatanga me te hononga ki te oranga.

Paearu Paetae

Paetae	Hei tohu i te paetae: <ul style="list-style-type: none">• Ka tautohu i ngā āhuatanga matua o te whanaungatanga me te hononga ki te oranga.
Kaiaka	Hei tohu i te kaiaka: <ul style="list-style-type: none">• Ka whakaahua i ngā āhuatanga matua o te whanaungatanga me te hononga ki te oranga.
Kairangi	Hei tohu i te kairangi: <ul style="list-style-type: none">• Ka whakamārama i ngā āhuatanga matua o te whanaungatanga me te hononga ki te oranga.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Hauora kei: <https://ncea.education.govt.nz>.

Whāinga Paetae

Taiao, Hononga ki ētahi atu Taiao

2. Ka tūhura i te mahi me ngā tikanga whaihua o te rohe, o te motu hei whakatairanga i te noho ora o te tangata me te noho haumarū i roto i ngā taiao.

Tangata, Whanaungatanga

1. Ka tūhura me pēhea ngā whanonga, ngā uara me ngā waiaro o te tangata takitahi, o te rōpū hoki e pāpā ana ki te mauritau o tētahi atu.

Tangata, Huatau o te Whanaungatanga

2. Ka whakarite rautaki me te whakaatu i ngā pūmanawa mahi e taea ai te aro ki ngā horopaki mātātaki i runga i te wairua tōtika.
3. Ka whakaatu i tōna mārama ki ngā āhuratanga e puta ai te tuakiri whaiaro o te tangata, kia taea ai te whakanui i tōna tū motuhake me te tiaki i tōna oranga wairua, oranga hinengaro, oranga tinana.

- 2 E whai ake nei ngā whakamārama mō ngā paearu paetae:

Ka tautohu i ngā āhuratanga matua o te whanaungatanga me te hononga ki te oranga:

- Ka whiriwhiri, ka whakaputa whakaaro ki ngā momo āhuratanga matua o te whanaungatanga.
- Ka tautohu i te hononga o te whanaungatanga ki te oranga.
- Ka taunakitia ngā whakaaro.

Ka whakaahua i ngā āhuratanga matua o te whanaungatanga me te hononga ki te oranga:

- Ka whakaputa whakaaro huritao ki ngā momo āhuratanga matua o te whanaungatanga.
- Ka whakaahua i te hononga o te whanaungatanga ki te oranga.
- Ka āta taunakitia ngā whakaaro.
- Ka āta kōrerohia ngā taipitopito.

Ka whakamārama i ngā āhuratanga matua o te whanaungatanga me te hononga ki te oranga:

- Ka whakatau i ngā tino āhuratanga matua o te whanaungatanga.
- Ka whakamārama i te hononga o te whanaungatanga ki te oranga.
- Ka āta taunakitia ngā whakaaro ki ngā kōrero tautoko huhua.
- Ka āta kōrerohia ngā taipitopito me ngā take i pērā ai te whakaaro. Arā, ka whakautu i te pātai 'He aha ai?', i te 'Ka pēwhea?' rānei.

- 3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>whanaungatanga</i>	Te hononga ā-whakapapa, ā-toto, tētahi atu momo hononga rānei o te tangata ki tētahi atu e kīia ai he whanaunga, he hoa tata rānei (<i>He Pātaka Kupu</i>).
<i>ngā āhuatanga matua o te whanaungatanga</i>	Koia nei ētahi: <ul style="list-style-type: none"> • whakapapa • whānau, hapū, iwi • whakawhanaungatanga • aroha • wairuatanga • manaakitanga • kotahitanga • ūkaipōtanga • rangatiratanga • pūkengatanga • Tauutuutu • te āhua me ngā tikanga o te whakawhanaungatanga o mua, o nāianei hoki.
<i>te hononga ki te oranga</i>	Koia nei ētahi: <ul style="list-style-type: none"> • te noho tahi a ngā tēina me ngā tuākana • te aroha me ngā taura tangata • ngā hua o te mahi ngātahi • te pānga ki te tuakiri o te tangata • te tautoko, te atawhai • te mana o te whānau, o te hapū, o te iwi • te kiritau • he kitenga kanohi, he hokinga mahara.
<i>whakatau</i>	Ka kōwhiria te whakatatūnga o ngā āhuatanga e aronuitia ana, waihoki, ka kitea te āta huritao.

- 4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

- 5 Kuputaka

kiritau	<i>self-esteem, self-worth</i>
kotahitanga	<i>unity, togetherness, solidarity, collective action</i>
manaakitanga	<i>kindness, generosity, support, care for others, hospitality</i>
pūkengatanga	<i>expertise, talents, teaching, scholarship</i>

tauutuutu	<i>reciprocity</i>
te taha wairua	<i>spirituality</i>
rangatiratanga	<i>right to exercise authority, chieftainship, sovereignty, self-determination</i>
ūkaipōtanga	<i>belonging, acknowledgement of tūrangawaewae, of papa kāinga</i>

Kōrero Whakakapinga

I whakakapingia ngā paerewa 91684-91689 e ngā paerewa 92056-92059.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233
